

四庫全書

史部

欽定四庫全書

史部

明集禮卷二十六

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官主事<sub>臣</sub>陳墉

謄錄監生<sub>臣</sub>李炎

欽定四庫全書

明集禮卷二十六

嘉禮十

皇太子納妃

總序

皇太子納妃所以重胤嗣也周秦已上莫攷其儀漢制  
皇太子納妃以奉常迎而不親迎宋文帝時太子納妃  
儀文與納后不異百官上禮於太極殿西堂叙宴北齊

皇太子納妃皇帝遣使納采以宗正卿為使問名納吉  
請期皆如之納徵則以司徒及尚書令為使親迎則以  
太尉為使三日妃朝皇帝於昭陽殿又朝皇后於宣光  
殿擇日羣臣上禮他日皇太子拜閣隋皇太子納妃皇  
帝臨軒遣使者受詔納采問名次擇日納吉又擇日納  
徵告期訖命有司以特牲告廟行冊禮皇太子將親迎  
皇帝臨軒醮戒妃至宮之明日朝見皇帝皇后唐皇太  
子納妃皇帝臨軒遣使行納采問名納吉納徵請期之

禮次遣官告宗廟然後行冊禮皇太子將親迎皇帝臨  
軒醮戒妃至宮同牢於內殿明日朝見皇帝皇后皇帝  
會羣臣於太極殿如正至之儀宋皇太子納妃其六禮  
皆與唐同妃朝見之明日又至皇帝皇后閣內行盥饋  
之禮皇帝皇后復饗妃如宮中之儀今擬國朝皇太子  
納妃皇帝臨軒命使納采問名既卜吉復命使納徵請  
期又遣官以特牲奏告宗廟遣使備冊寶禮物至妃第  
行冊禮皇太子將親迎皇帝臨軒醮戒至妃第親迎還

宮同牢於內殿明日妃朝見皇帝皇后皇帝皇后閣內  
行盥饋之禮皇帝皇后宴饗妃及皇太子如宮中之儀  
今考歷代儀文以著于篇

冠服

隋皇太子納妃服袞冕九章妃首飾花釵九樹服用褕  
翟衣唐皇太子納妃皇帝臨軒遣使服袞冕翟戒服通  
天冠絳紗袍皇太子服袞冕九章妃服褕翟衣首飾花  
九樹宋皇太子納妃皇帝遣使醮戒皆服通天冠絳紗

袍皇太子皆服袞冕執圭

親迎同

妃服與唐制同今擬

國朝皇太子妃冠服見冠服篇

車輅

見冊拜篇車輅篇

冊寶

見冊拜篇

禮物

晉太子昏納徵用玄纁束帛加璧馬二駟東晉用玉璧

一獸皮二宋文帝用珪璋各一熊羆皮各二北齊皇太子聘禮納采問名請期親迎皆用羔羊一口鴈一隻黍稷米麵各一斛納徵用玄三匹纁二匹束帛十匹大璋一虎皮二錦綵六十匹絹二百匹羔羊一口羊四頭犢二頭酒黍稷稻米麵各十斛從車百乘唐納采問名納吉請期親迎皆用鴈納徵用玄纁束帛乘馬穀珪宋六禮禮物皆與唐同今擬國朝

闕

樂



唐遣使納采展宮懸醮戒於太極殿設宮懸宋大晟展  
宮架之樂於文德殿皆備而不作

祭告

唐皇太子納妃納徵告期訖遣有司以特牲告于廟宋  
皇太子將親迎差官奏告太廟及諸陵如常告之儀今  
擬國朝遣官以太牢告廟其儀與常告同

問名

唐使者納采畢既出立於門外主昏者使儻者請事使

者曰某將加卜筮奉制問名主昏者曰制以某之子備數於儲宮臣某不敢辭使者入陳鴈主昏者再拜受鴈曰臣某第幾女某氏出禮畢主昏者曰某公為某事故至於某之室某有先人之禮請禮從者其儀與天子納后醴賓同今擬國朝使者納采訖就再入問名其詳見問名儀注

納吉

唐皇太子納妃既問名卜吉皇帝復臨軒遣使者至妃

氏第納吉既至妃第使者曰加諸卜筮占曰協從制使  
某也納吉主昏者曰臣某之子弗教唯恐不堪龜筮云  
吉臣某謹奉典制再拜受鴈又再拜其禮使者如問名  
之儀宋既問名乃遣使至妃氏第曰謀諸卜筮其占協  
從制使某告吉主昏者曰臣某之子蠢愚懼弗克堪卜  
筮云吉惟臣之幸臣謹奉典制其受鴈禮使者皆與唐  
同今擬國朝皇太子納妃既問名卜吉皇帝御奉天殿  
遣使納吉其詳見納采儀注

納徵

唐既納吉遣使奉玄纁束帛乘馬穀珪至妃氏第納徵  
既至使者曰制使某以玉帛乘馬納徵儻者入告主昏  
者曰奉制賜臣以重禮臣某祇奉典常再拜稽首北面  
受玉帛乘馬又再拜其禮使者如納吉儀宋遣使奉玄  
纁玉珪至妃氏第使者曰卜筮不違嘉偶既定制使某  
以儀物告成儻者入告主昏者曰奉制賜臣以重禮臣  
某謹奉典制其受玉帛禮使者皆與唐同國朝皇太子

納妃遣使備物納徵其詳見納徵儀注

請期

唐既納徵遣使者用鴈請期至妃第使者曰詢於龜筮  
某月日吉制使某告期主昏者受命受雁一如納吉之  
儀宋遣使請期使者至妃第請曰消辰之良某月某日  
吉制使某告期主人曰臣某謹奉制再拜受雁其儀皆  
與唐同今擬國朝皇太子納妃納徵訖遣使請期其儀  
詳見儀注

奏告

唐既告期後有司以特牲告廟如常禮祝文臨時撰宋  
告期後太史局擇日差官奏告太廟景靈宮諸陵今擬  
國朝皇太子納妃既請期遣官以特牲告太廟其儀與  
宗廟篇奏告儀同

受冊

唐既告期遣使持節奉冊寶璽綬車輅儀仗鼓吹掌嚴  
奉禴翟衣首飾至妃氏第主昏者朝服出迎於大門之

外既入使副以冊寶授內侍內侍受冊寶以授典內典  
內奉冊寶入立於閣外傅姆贊妃出立於庭中掌書跪  
取冊寶興進立於妃前司則贊妃再拜訖掌書以冊寶  
授司則司則受冊寶進授妃妃受以授司閨司則又贊  
妃再拜訖司則請妃陞座宮官以下皆再拜訖司閨引  
妃入閣主昏者禮使者如禮賓之儀宋冊皇太子妃遣  
使副奉冊印儀仗車輅官人奉首飾褱衣至妃第使副  
以冊印授內侍內侍受冊印入授內謁者內謁者持冊

印入立於庭中傅姆贊妃出閣降階向闕再拜訖內侍奉冊印授妃妃受冊印以授執事者又再拜內侍引妃陞座諸宮人皆再拜畢傅姆引妃還內令擬國朝冊皇太子妃皇帝遣使奉冊寶車輅儀仗宮人奉冠服至妃氏第行冊拜禮其儀詳見儀注

醮戒

唐皇太子將親迎服袞冕備儀仗乘金輅左庶子負璽前導至承天門下降輅至東朝堂皇帝服通天冠絳紗



袍御太極殿西向坐羣官再拜訖舍人引皇太子至樂  
懸南北面再拜舍人引皇太子詣西階脫舄陞就席西  
南面立尚食奉御酌酒進皇太子皇太子再拜受爵尚  
食薦脯醢皇太子祭酒及脯醢訖降席西南面坐啐酒  
奠爵又再拜舍人引皇太子進御座前東面立皇帝命  
之曰往迎爾相承我宗事勛帥以敬皇太子曰臣某謹  
奉制旨遂再拜舍人引皇太子降西階納舄訖舍人引  
出宋皇太子納妃將親迎皇帝御文德殿皇太子具袞

冕入就位百官朝服就拜位皇太子搢圭舞蹈再拜百官皆搢笏舞蹈再拜引皇太子由西階陞東向立內侍進酒皇太子跪搢圭受醴大官令奉饌皇太子飲食訖降階北面又再拜太常博士引皇太子詣御座前西向立皇帝命之曰親迎惟古趨辰之良往帥以恭皇太子曰臣謹奉制引皇太子降階北面又再拜訖引出今擬國朝皇太子將親迎皇帝御奉天殿醮戒其儀詳見儀注

親迎

唐皇太子既受命遂親迎至妃第妃服褕翟衣花釵立  
于東房主婦著禮衣鈿釵立妃北主昏者公服出迎大  
門之外西面再拜皇太子答拜主昏者揖皇太子先入  
皇太子執鴈從入進當房戶前北面跪奠鴈再拜降出  
傅姆導妃出父戒之曰戒之敬之夙夜無違命母施襟  
結帨命之曰勉之戒之夙夜無違庶母及門內施鞶申  
之以父母之命曰敬恭聽宗爾父母之言夙夜無愆視

諸襟輦妃出至輅後皇太子授綏姆辭不受曰未教不

足與為禮妃陞輅乘以几

几謂將上車而登

姆加幃

幃制

如明衣架之為行道禦塵

皇太子馭輪三周馭者代之皇太子出大

門乘輅還宮妃仗次於後以行宋皇太子親迎之禮與唐同而無授綏馭輪之儀今擬國朝皇太子親迎具袞冕服乘金輅備儀仗至妃第其詳見親迎儀注

合卷

唐皇太子同牢之禮設幄於內殿室西廂東向設同牢

之席於室內皇太子西廂妃東廂席間容牢饌設四爵  
兩卷妃至宮門鹵簿仗衛停門外妃乘輅至左閣門外  
降輅就次整飾司閨引妃詣內殿門西東面立皇太子  
揖妃以入妃即席西向立皇太子東向立司饌奉饌設  
皇太子及妃座前皇太子及妃俱坐司饌設黍醬菹醢  
皇太子及妃俱受祭於籩豆之間司饌取黍稷及肺進  
授皇太子及妃皇太子及妃受黍稷及肺皆祭訖司饌  
嘗食皇太子及妃皆食三飯卒食司饌進酒皇太子及

妃俱再拜祭酒訖三醕用盃卒爵司饌徹饌皇太子入東房釋冕服著袴褶妃入幄媵餽皇太子之饌御餽妃之饌宋皇太子同牢設席於寢門之內皇太子揖妃俱入盥洗訖掌事者設酒饌皇太子揖妃皆坐司饌告饌具贊者二人奉酒以授皇太子及妃皇太子及妃受酒飲畢遂薦饌再飲三飲如初儀訖皇太子及妃俱興再拜餘如唐儀今擬國朝皇太子及妃同牢設幄於東宮之內殿行同牢禮詳見同牢儀注

# 妃朝見

唐皇太子妃朝見先設皇帝座於所御殿之東西向設皇后座於室戶外之西近北南向其日妃沐浴服褕翟首飾乘厭翟車至宮降車立於閤外之西皇帝服通天

冠絳紗袍皇后服褱衣首飾皆即御座妃奉笄

竹器緇表纁裏

棗栗司饌執股脩

股丁亂切

以從司則引妃入立於庭北面

再拜訖司言引妃陞自西階跪奠棗栗於御座前皇帝撫之司言引妃降立於庭又北面再拜訖司言引妃陞

跪奠殿脩於皇后座前皇后撫之司言引妃退立於西序東向再拜司設設妃席於戶牖之間司言引妃再拜受醴尚食薦脯醢妃祭畢降席取醵坐奠訖興祭于豆間食畢司賓引妃降自西階出閣乘車還宮宋妃朝見皇帝皇后其儀與唐同皇帝皇后醴妃如宮中儀今擬國朝皇太子妃朝見則於宮中內殿奉棗栗殿脩行朝見之禮其儀詳見儀注

盥饋



宋太子妃既朝見則有盥饋之儀其日妃夙興沐浴服  
綸翟首飾至閤外候皇帝進膳司賓引妃入再拜訖奉  
膳進置於皇帝前司賓引復位又再拜訖司賓引妃出  
詣皇后閤外俟皇后進膳妃再拜奉膳進皇后如前儀  
又再拜司賓引妃出皇帝皇后饗妃如宮中之儀今擬  
國朝皇太子妃既朝見盥饋於皇帝皇后其儀見盥饋  
儀注

會羣臣

唐制皇太子納妃皇帝會羣臣於太極殿如正至之儀  
唯上壽辭云皇太子嘉聘禮成克崇景福某等不勝慶  
抃謹上千秋萬歲壽

遣使儀注

前期禮部移文太史院擇日奏聞命所司備鴈及他禮  
物以伺又取制命某官為使某官為副使告示文武百  
官於皇城守宿至日鐘鳴後具朝服侍班前一日內使  
監設御座香案於奉天殿正中如常儀尚寶卿設寶案

於御座之南禮部官陳設鴈及他禮物於丹陛上侍儀  
司設承制官位於殿上御座之東及丹陛之東南設使  
者及副使拜位於丹墀內道之西東上北向贊禮二人  
於丹陛上之南東西相向司贊二人位於使者拜位之  
北東西相向知班二人位於司贊之南東西相向文武  
百官侍立於文武樓之北東西相向設引文武班舍人  
四人位於文武官之北稍後東西相向引使者二人位  
於使者拜位之北西立東向拱衛司光祿寺官對立於

奉天殿門之左右東西相向將軍二人位於殿上簾前  
東西相向將軍六人位於奉天門之左右東西相向又  
將軍四人位於丹陛上之四隅東西相向又將軍六人  
位於奉天殿之左右東西相向鳴鞭四人於丹陛上北  
向設執鴈及執禮物者位於丹陛下之西東向是日金  
吾衛陳設甲士儀仗於午門外之東西拱衛司陳設儀  
仗於丹墀丹陛之東西和聲郎設樂於丹墀之南備而不作  
侍儀司陳設儀仗大樂於奉天門外正中質明擊鼓初

嚴催班舍人催百官具朝服導駕官侍從官入迎車  
駕次嚴引班舍人引文武百官入就侍立位引禮官引  
使者具朝服立丹墀之西以伺諸執事者各就位三嚴  
侍儀奏外辦御用監跪奏請皇帝服袞冕尚寶卿奉  
寶前導侍從導引如常儀至奉天殿陞御座捲簾鳴鞭  
雞唱報時訖引禮引使者及副使各就丹墀拜位贊禮  
唱鞠躬拜興拜興拜興平身使副鞠躬拜興拜興  
拜興拜興平身承制官進詣御座前跪承制訖由中門

出至丹陛上宣制位稱有制贊禮唱跪使副皆跪承制  
官宣制曰奉制納某氏女為皇太子妃皇帝制使卿等  
行納采禮宣制訖承制官由西門入典儀唱俯伏興平  
身使副俯伏興平身贊禮唱鞠躬拜興拜興拜興拜興  
平身使副鞠躬拜興拜興拜興平身引禮引使副  
退立於西執鴈者及執禮物者由西階陞取鴈及他禮  
物自中陞降執鴈者在前執禮物者次之使者從其後  
至奉天門外儀仗鼓吹導引以行初使者出贊禮唱禮

畢侍儀跪奏禮畢皇帝駕興百官以次出

納采儀注

前一日有司設使副次於妃氏大門外南向設使副序立位於大門外之東西向北上設主昏者序立位於大門內之西東向設香案於廳上之正中設使副立位於香案之東西向北上設主昏者受制位於香案之南北向設贊禮位於廳下主昏者拜位之北東西相向設儼者二人位於贊禮之南東西相向設引使者二人位於

廳上南楹之左右東西相向其日使者奉制執雁及禮物至妃氏第儀仗鼓吹分列於大門外之左右使者下馬引禮引入次執事者陳禮物於大門之外僮者引主人朝服序立於大門內之西東向引禮引使者出次立於大門外之東執雁者立於其南皆西向僮者出詣使者前曰敢請事使者曰奉制儲宮納配屬于令德邦有典常使其行采擇之禮僮者入告主昏者曰臣某之于昧於閭儀不足以備采擇恭承制命臣某不敢辭僮



者出告訖入引主昏者出迎於大門之南北面立贊禮  
唱鞠躬拜興拜興平身主昏者鞠躬拜興拜興平身使  
者不答拜主昏者揖使者先入立於西階之下引禮引  
使者陞自東階立於香案之東執鴈者立於使者之南  
執事者陳禮物於庭儗者引主昏者就拜位贊禮唱鞠  
躬拜興拜興拜興平身主昏者鞠躬拜興拜興拜  
興拜興平身儗者引主昏者陞自西階至香案前北向  
立使者稱有制儗者唱跪主昏者跪使者宣制曰某奉

詔采擇執鴈者以鴈授使者使者受雁以授主昏者主昏者受雁興以授左右儗者引主昏者降自西階就拜位立定贊禮唱鞠躬拜興拜興拜興拜興平身主昏者鞠躬拜興拜興拜興拜興平身贊禮唱禮畢儗者引主昏者退立於西階引禮引使副降自東階以出主昏者帥諸執事各收禮物

問名儀注

使副納采既出立於中門外之東西面主昏者立於西

階之下儼者進受命出詣使者前曰敢請事使者曰儲  
宮之配采擇既諧將加卜筮奉制問名儼者入告主昏  
者曰制以臣某之女可以奉侍儲宮臣某不敢辭儼者  
出告訖入引主昏者出迎使副於中門外之南北面贊  
者唱鞠躬拜興拜興平身主昏者鞠躬拜興拜興平身  
使者不答拜儼者引主昏者先入立於西階之下引禮  
引使副入門陞自東階立於香案之左執鴈者立於使  
者之南皆西向執事者各陳禮物於庭儼者引主昏者

就拜位贊禮唱鞠躬拜興拜興平身主昏者鞠躬拜興  
拜興平身儗者引主昏者升自西階至香案前北向立  
使者稱有制贊禮唱跪主昏者跪使者曰臣某奉詔問  
名將謀諸卜筮主昏者曰臣某第幾女某氏出被預采  
擇聞命祇懼既蒙制問臣不敢辭執鴈者以鴈進授使  
者使者受鴈以授主昏者主昏者受鴈興以授左右儗  
者引主昏者降東階就拜位立贊禮唱鞠躬拜興拜興  
平身主昏者鞠躬拜興拜興平身贊禮唱禮畢儗者引

主昏者退立於西引禮引使者降自東階立於中門外之東西面儗者受主昏者之命出詣使者前請曰某公奉制命至某之室請禮從者使者曰某既得將事敢辭儗者入告主昏者曰先人之禮敢固以請儗者出告使者曰某辭不獲聞命敢不從執事者徹香案引禮引使者入陞階即座行飲食之禮主昏者奉幣禮使者畢使副還主昏者送于門外

告吉儀注

前一日有司設使副次於妃氏大門之外設使副序立  
位於大門外之東西向北上設主昏者序立位於大門  
內之西東向設香案於廳上之正中設使副立位於香  
案之東西向北上設主昏者受制位於香案之南北向  
設贊禮位於廳下主昏者拜位之北東西相向設儗者  
二人位於贊禮之南東西相向設引使者二人位於廳  
上南楹之左右東西相向其日使者奉制執鴈及禮物  
至妃氏第儀仗鼓吹分列於大門外之左右使者下馬

引禮引入次執事者陳禮於大門之外儼者引主昏者朝服序立於大門內之西東向引禮引使者出次立於大門外之東執鴈者立於其南皆西向儼者進受命出詣使者前請曰敢請事使者曰謀諸卜筮其占協從制使某告吉儼者入告主昏者曰臣某之子蠢愚懼弗克堪卜筮云吉惟臣之幸臣謹奉典制儼者出告訖入引主昏者迎於大門外之南北面贊禮唱鞠躬拜興拜興平身主昏者鞠躬拜興拜興平身儼者引主昏者揖使

者先入立於西階之下引禮引使者入陞自東階立於香案之左執鴈者立於使者之南俱西向執事者陳禮物於庭儼者引主昏者就拜位北向立贊禮唱鞠躬拜興拜興平身主昏者鞠躬拜興拜興平身儼者引主昏者自西階陞至香案前北向立使者稱有制儼者唱跪主昏者跪使者宣制曰奉制告言執鴈者以鴈進授使者使者受雁以授主昏者主昏者跪受雁興以授左右儼者引主昏者降自西階就拜位立定贊禮唱鞠躬拜興拜興平



身主昏者鞠躬拜興拜興平身贊禮唱禮畢儼者引主  
昏者退立於西引禮引使者出立于中門外之東儼者  
出請使者禮待如問名之儀

納徵儀注

前一日有司設使副次於妃氏大門之外南面設使者  
序立位於大門之東西向北上設主昏者序立位於大  
門內之西東向設香案於廳上之正中設使副位於香  
案之東西向北上設主昏者受制位於香案之南北向

設贊禮位於廳下主昏者拜位之北東西相向設儗者二人位於贊禮之南東西相向設引使者二人位於廳上南楹之左右東西相向其日使者奉玄纁束帛穀珪至妃氏第大門外儀仗分列於門外之左右引禮引使者入就次執事者陳設禮物於大門外設玉帛案於正中儗者引主人立於大門內之西引禮引使者出次立於大門外之東儗者進受命出詣使者前請曰敢請事使者曰卜筮不違嘉偶既定制使某以儀物告成儗者

入告主昏者曰奉制賜臣以重禮臣某謹奉典制儼者  
出告訖入引主昏者出迎於大門外之南北面贊禮唱  
鞠躬拜興拜興平身主昏者鞠躬拜興拜興平身使者  
不答拜儼者引主昏者揖使者先入立於西階之下引  
禮引使副入執事者舉玉帛案先行奉玉帛者次之諸  
執禮物者又次之至廳執事者以玉帛案置於香案之  
北使者立於玉帛案之左奉玉帛者立於使者之南稍  
後舉案者退立於西諸執事者各陳禮物於庭儼者引

主昏者就拜位贊禮唱鞠躬拜興拜興平身主昏者鞠躬拜興拜興平身儗者引主昏者陞自西階至玉帛案前使者稱有制儗者唱跪主昏者跪使者宣制曰某奉制告成奉玉帛者就案取玉帛以授使者使者受玉帛以授主昏者主昏者跪受玉帛興以授左右儗者引主昏者降自西階就拜位立定贊禮唱鞠躬拜興拜興平身主昏者鞠躬拜興拜興平身贊禮唱禮畢儗者引主昏者退立於西引禮引使副降自東階以出主昏者

帥諸執事各收禮物

請期儀注

其儀與納吉同唯辭曰詢於龜筮某月某日制使某告  
期主昏者曰敢不承命

祭告儀注

其儀見宗廟篇

遣使奉冊儀注

前期太史院擇日翰林院撰冊文工部造冊寶諭翟首

飾車輅儀仗禮部備合用禮物及冊寶案訖奏取旨以  
某官為授冊使某官為授寶使某官為奉冊官某官為  
奉寶官某官為主節官某官為承制官告示文武百官  
於皇城守宿是日鳴鐘具朝服侍班前一日內使監令  
設御座香案於奉天殿如常儀尚寶卿設寶案於御座  
之南侍儀司設妃冊寶案於皇帝寶案之南冊東寶西  
設主節官位於冊寶案之東執節者立於其左差後俱  
西向設承制官位於主節官之南及丹陛上之東南設

奉冊官奉寶官位於冊寶案之西東向舉冊寶案舍人  
位於其後設冊寶使位於丹陛內道之西北面東上又  
設冊寶使受冊寶位於使者拜位之北丹陛下之正中  
北向贊禮二人位於丹陛上之南東西相向司贊二人  
位於使者之北東西相向知班二人位於司贊之南東  
西相向設文武百官侍立位於文武樓之北文東武西  
東西相向引冊寶使舍人二人位於使者拜位之北西  
立東向引文武班舍人四人位於文武班之北稍後東

西相向拱衛司光祿寺官位於奉天殿門之左右東西相向將軍二人位於殿上簾前之左右東西相向將軍六人位於殿門外之左右將軍四人於丹陛上之四隅將軍六人於奉天門之左右皆東西相向鳴鞭四人位於丹陛上北向是日金吾衛陳設甲士儀仗於午門外之東西旗仗於奉天門外之東西拱衛司陳設儀仗於丹陛丹墀之東西設蓋冊寶紅羅蓋二於奉天殿前和聲郎設樂於丹墀之南

設而不作

擊鼓初嚴催班舍人催百



官具朝服導駕官侍從官入迎車駕次嚴引班引文武百官入就侍立位禮部官陳冊寶綵輿於奉天門外陳皇太子妃車輅儀仗冠服等物於冊寶輿之南引禮引冊寶使具朝服入立於丹墀之西以伺諸執事者各就位三嚴侍儀奏外辦御用監官跪奏請皇帝具袞冕尚寶卿侍儀奉迎導從如常儀至奉天殿陞御座尚寶卿以寶置於案捲簾鳴鞭雞唱報時訖禮部官以冊寶各置於案奉冊寶官立於冊寶案之西東向舉冊寶案舍

人立於其後主節官立於冊寶案之東執節者立於其南稍後俱西向承制官立於主節官之南西向引禮引冊寶使副各就丹墀拜位立定贊禮唱鞠躬拜興拜興拜興拜興平身冊寶使以下鞠躬拜興拜興拜興拜興平身承制官進詣御座前跪承制訖興由中門出至丹陛上宣制位主節官率執節者由中門出中陛降立於使者之東北西向舉冊案舍人舉冊案奉冊官從其後舉寶案舍人舉寶案奉寶官從其後皆由中門出校

尉各擎紅羅蓋遮護冊寶由中陞降以冊寶案置於  
丹陛下之正中舉冊寶案舍人退立於西奉冊寶官立  
於冊寶案之東引禮引冊寶使稍前詣受冊寶位北向  
立承制官稱有制贊禮唱跪冊寶使皆跪承制官宣制  
曰冊某氏為皇太子妃皇帝制命爾某持節奉冊寶行  
冊禮宣制訖執節者脫節衣以授主節官主節官受節  
以授授冊使授冊使搢笏跪受節以授執節者執節者  
復受節興立於冊使之右奉冊官詣冊案前取冊西向

以授授冊使授冊使跪受冊興復置於案出笏退復位  
奉冊官亦退復位奉寶官詣寶案前取寶西向跪授授  
寶使授寶使跪受寶興復置於案出笏退復位奉寶官  
亦復位引禮引授冊授寶使退就拜位北向立承制官  
由西門入回奏訖贊禮唱鞠躬拜興拜興拜興拜興平  
身授冊寶使皆鞠躬拜興拜興拜興拜興平身贊禮唱  
禮畢舉冊寶舍人各舉案出奉天門仍以蓋遮護執節  
者前導至奉天門外授冊寶使取冊寶置綵輿中以次

進發由午門中門出皇太子妃儀衛在前次車輅次冠服次禮物次冊寶輿使者從行於後至皇太子妃第行冊禮如後儀

妃受冊儀注

前一日有司設使副次於妃氏大門之外又設內使監官以下次於中門之外設宮人次於妃氏閣外道西東向設使者序立位於大門外之東副使及內使監官位於使者之南執節者位於使者之北少退俱西向設主

昏者序立位於大門內之西又設使副位於中門外之東西向執節者位於使副之北設授冊寶內使監官位於使副之北西向設奉冊寶內使監官位於中門外之西設主昏者位於奉冊寶內使監官之南皆東向贊禮二人位於中門之左右東西相向引使者二人位於贊禮之南東西相向又設皇太子妃座於閣之正中設冊寶案於妃座之南設香案於閣門外之庭中隨闕所向設權置冊寶案於香案之前冊東寶西設皇太子妃受

冊寶位於案前北向設奉冊寶宮人二人位於妃拜位之西東向設授冊寶內使監官位於冊寶案之東西向設傳姆二人位於妃之左右設宮人侍立位於傳姆之後東西相向設宮人拜位於庭下重行北向典內二人位於妃拜位之北東西相向司贊二人位於宮人拜位之北東西相向其日侵晨冊寶奉迎皇太子妃冊寶車輅儀仗冠服禮物至妃氏第儀仗鼓吹列於大門外之左右備而不作陳冊寶綵輿於大門外之正中進鹵簿儀仗

厭翟車等以次列於大門外奉冊寶使入就次內侍延  
內使監官入就次宮人先奉妃首飾褕翟衣入就次儼  
者引主昏者朝服立於大門內之西內侍引內使監官  
序立於中門外引禮引冊寶使副出次詣綵輿前取冊  
寶置於案立於大門外之東執節者立於其北儼者進  
受命出詣使者前請曰敢請事使者曰某奉制授皇太  
子妃冊寶儀物儼者入告主昏者曰臣謹奉制儼者出  
告訖入引主昏者迎於大門之外北面贊禮唱鞠躬拜



興拜興平身主昏者鞠躬拜興拜興平身使副不答拜  
儼者引主昏者揖使者先入持節者前導舉案者次之  
使副從其後至中門外各就位立定持節者脫節衣使  
者詣案取冊以授授冊內使監官內使監官以授內侍  
內侍受冊立於授冊內使監官之右副使詣案取寶以  
授授寶內使監官內使監官受寶以授內侍內侍受寶  
立於授寶內使監官之右舉案者以案退使副亦退就  
位內侍奉冊寶由中門入授冊寶內使監官後從至閤

門外以冊寶權置於案宮人奉妃首飾褕翟入閣請妃具服傳姆宮人內侍等導從妃出閣傳姆在前次宮人執扇擁護次宮人及內侍各擎執從其後至閣門外傳姆引妃降自東階詣香案前向闕立傳姆分列於左右宮人內侍分立於其後內使監官稱有制典內啓妃拜興拜興妃拜興拜興典內啓受冊授冊內使監官詣案取冊進授妃妃受冊以授受冊宮人宮人受冊立於妃之左典內啓受寶授寶內使監官詣案取寶進授妃妃

受寶以授受寶官人官人受寶立於妃之左典內啓拜  
興拜興妃拜興拜興典內啓請陞座傳姆導引妃由東  
階陞即座官人奉冊寶各置於案退立於左右傳姆及  
官人內侍各陞立於侍立位內侍引官官以下各就庭  
下位重行北向立以西為上司贊唱鞠躬拜興拜興拜  
興拜興平身官官以下皆鞠躬拜興拜興拜興拜興平  
身典內啓禮畢妃降座傳姆導引妃還堂內主昏者禮  
使副如告期之儀使副乘車而還

醺戒儀注

前期內使監設御座於奉天殿如常儀侍儀司設皇太

子次於奉天殿東耳房內設皇太子席位

其席位莞筵紛純加藻席續

純於奉天殿之西東向設司爵內使二人於席位之左

右司饌內使二人於司爵之東皆相向設皇太子受醺

戒位於御座之南北向設皇太子拜位於丹陛上北向

設東宮官拜位於丹墀之兩旁重行北向設贊禮二人

位於皇太子丹陛上拜位之北東西相向知班二人位

於贊禮之南東西相向設文武百官侍立位於文武樓之北東西相向設引文武班舍人四人位於文武官之北東西相向將軍二人位於殿上簾前東西相向將軍六人於奉天門之左右東西相向又將軍四人位於丹陛上之四隅東西相向又將軍六人位於奉天殿之左右東西相向鳴鞭四人於丹陛上北向拱衛司光祿寺官對立位於奉天殿門之左右東西相向是日金吾衛陳設軍仗於午門外之東西旗仗於奉天門外之東西

拱衛司陳設儀仗於丹陛丹墀之東西和聲郎設樂於

丹墀之南

黃而不作

是日未明東宮侍從官導從皇太子至

次諸執事者各就位引進啓皇太子具衮冕服侍儀奏  
外辦御用監奏請皇帝服通天冠絳紗袍御輿以出侍  
儀侍從警蹕如常儀皇帝將出仗動陞御座將軍捲簾  
鳴鞭司晨郎雞唱報時訖引進引皇太子衮冕由東陛  
陞至丹陛位北面立定贊禮唱鞠躬拜興拜興拜興拜  
興平身皇太子鞠躬拜興拜興拜興平身贊禮唱

鞠躬拜興拜興拜興平身東宮官鞠躬拜興拜興  
拜興拜興平身引進引皇太子由奉天殿東門入就席  
位東向立司爵內使斟酒以醖進授皇太子皇太子跪  
搯圭受醖祭酒少許以醖授內使內使跪受醖司饌內  
使以饌進授皇太子皇太子跪受饌以饌授內使內使  
跪受饌置於席興立於皇太子之左引進啓皇太子興  
引進啓就席坐飲食訖引進引皇太子立於御座前北  
向引進啓跪皇太子跪皇帝命之曰往迎爾相承我宗

事勛帥以敬皇太子曰臣某謹奉制旨引進啓俯伏興  
皇太子俯伏興引進引皇太子由東門出至丹陛上拜  
位立定贊禮唱鞠躬拜興拜興拜興拜興平身皇太子  
鞠躬拜興拜興拜興平身贊禮唱禮畢皇帝降座  
還宮引進引皇太子由東階降退出文武百官以次出

親迎儀注

前一日有司設皇太子次於妃氏大門之外南向又設  
東宮官次於皇太子次之南東西相向設皇太子立位



於大門外之東西向又設皇太子奠鴈位於閤門外北向設主昏者立位於閤門外之西東向親迎前三刻東宮官俱朝服陳鹵簿鼓吹於東宮門外引進啓內嚴東宮官奉寶詣閤奉迎拱衛司進金輅於東宮門內引進啓外備皇太子冕服引進啓陞輿皇太子乘輿以出侍衛擎執導從如常儀至宮門引進啓降輿乘輅皇太子降輿乘輅輅動東宮官以下皆從執鴈者奉鴈從其後皇太子至妃氏大門外回轅南向鹵簿鼓吹分列於左

右東宮官皆下馬引進啓降輅乘輿皇太子降輅陞輿  
侍從導引至次引進啓降輿皇太子降輿入就次東宮  
官各就次皇太子將至主昏者設會燕女皇太子既入  
次宮人傅姆啓妃服褕翟花釵前後擁護出就閣內位  
前南向立傅姆立於妃之左右宮人內侍分立於其後  
主昏者具朝服立於西階之下引進引皇太子出次立  
於大門之東西向左右侍御如常儀儼者朝服進受命  
出立於門東西面曰敢請事引進跪啓訖皇太子曰某

奉制親迎引進受命興承傳於儼者儼者入告引主昏者出迎皇太子於大門外之西東向贊禮唱鞠躬拜興拜興平身主昏者鞠躬拜興拜興平身皇太子答拜興拜興平身引進引皇太子入門而左儼者引主昏者入門而右執鴈者從入引進引皇太子陞東階進立於閤門戶前北向立主昏者陞自西階立於閤門外之西東向引進啓跪皇太子跪引進啓奠鴈執鴈者以鴈西向跪受皇太子皇太子搢圭受鴈以授主昏者主昏者搢

笏跪受鴈興以授左右退立於西引進啓出主俯伏興  
平身皇太子出主俯伏興平身引進啓鞠躬拜興拜興  
平身皇太子鞠躬拜興拜興平身引進引皇太子降自  
東階出至次以伺主昏者不降送初皇太子入門妃母  
出於閤門外皇太子奠鴈位之西南向皇太子拜訖宮  
人傅姆導妃出立於母左主昏者進命之曰戒之戒之  
夙夜恪勤母或違命母命之曰勉之勉之爾父有訓往  
承惟欽庶母申之曰恭聽父母之言宮人傅姆導執導

從妃出門司閨啓妃陞輿妃乘輿出中門司閨啓妃降輿  
乘車妃降輿乘厭翟車所司陳列鹵簿如式妃出內門  
至輅後皇太子出大門陞輅輅動東宮侍從官皆上馬  
從行如來皇太子車輅至東宮門外侍從官皆下馬入  
皇太子車輅至門內引進啓降輅乘輿皇太子降輅陞  
輿以入侍從官從至閤引進啓降輿皇太子降輿入俟  
于內殿門外之東西面

同牢儀注

前一日內使監設妃次於東宮內殿之西南向司閨設幄於內殿之正中設皇太子座於幄中之東西向設妃座於幄中之西與皇太子座相對設皇太子洗一於殿之東南司中宮人一人位於洗南司盥宮人一人位於洗北皆西向設妃洗一於殿之北司中宮人一人位於洗南司盥宮人一人位於洗北皆東向設酒案於幄之南正中陳酒樽於案上設四爵兩盃於酒樽之北爵盃皆以設食案二於酒樽之北其日晡後妃車輅將至

今酒駕  
代之

內使監於內殿大次前設步障地衣至幄內伺妃  
輅入東宮門鹵簿分列於門內外傅姆及宮人皆下  
輦各擎執擁護入至內殿前司閏啓請降輅乘輿妃降  
輅陞輿宮人侍從如前儀至幄次前司閏啓請降輿妃  
降輿行執繖扇燭籠宮人布列前後傅姆導引妃入次  
整飾司閏引妃詣內殿門西東面內侍引皇太子揖妃  
以入皇太子先陞司閏導妃後陞入內殿內侍引皇太  
子就洗位內侍啓盥手宮人酌水皇太子盥手內侍奏

悅手宮人以巾進皇太子悅手內侍啓請皇太子就座  
前西向立皇太子盥手時司閏啓請妃詣盥洗所司閏  
啓盥手宮人酌水妃盥手司閏啓悅手宮人進巾妃悅  
手司閏啓請妃就座前東向立內侍司閏各啓請皇太  
子及妃皆就座皇太子侍從立於幄東妃侍從立於幄西  
司饌宮人各舉食案進於皇太子及妃之前司饌以饌  
進皇太子及妃皆食訖司饌各徹饌司醢宮人取爵酒  
進供於皇太子及妃皇太子及妃皆飲訖司醢各徹虛



爵司饌再以饌進皇太子及妃饌訖徹饌如前司醞再  
取爵酒以進皇太子及妃飲訖司醞徹爵如初皇太子  
及妃三饌訖司醞取盃酌酒以進皇太子及妃各受盃  
飲訖司醞徹盃內侍啓禮畢皇太子及妃皆興內侍  
及內使監官及宮人等導從皇太子入宮司閨及傅姆  
宮人等導從妃入宮內侍啓請皇太子更衣禮衣司閨啓  
請妃服常服皇太子從者餽妃之饌妃從者餽皇太子  
饌

妃朝見儀

其日妃夙興沐浴服褕翟首飾畢司閨啓請出閣宮人  
內侍等導從妃出至內宮門司閨啓請陞輅妃陞輅以出  
至內東門司閨啓請降輅內使及傳姆導引妃入宮障  
扇侍從如常至內殿階下內使監令入奏皇帝服通天  
冠絳紗袍即御座南向左右侍從如常司閨引妃入詣  
庭前北面立內贊贊拜興拜興妃拜興拜興司閨引妃  
自西階陞宮人奉棗栗同陞至御座前宮人以棗栗進

授妃妃受棗栗進奠於御座前尚食進徹以東司閨引妃降自東階復位北面立內贊贊拜興拜興妃拜興拜興內贊贊禮畢司閨啓請妃至皇后殿傳姆宮人等導從如前至皇后所御殿立於閤外尚宮奏皇后禕衣首飾即南向座左右侍御如常儀司閨引妃入詣殿庭位北面立內贊贊拜興拜興妃拜興拜興司閨引妃由西階陞宮人奉殿脩以從至皇后御座前北向立宮人奉殿脩進授妃妃受殿脩進供於皇后座前尚食進徹以

東司閨引妃降復位內贊贊拜興拜興妃拜興拜興內贊贊禮畢傳姆導妃退皇帝皇后醴妃如宮中之儀


盥饋儀注

其日妃夙興沐浴服褕翟衣首飾司閨啓請出閣宮人內侍傳姆等導從妃出閣至內宮門外司閨啓乘車妃乘厭翟車以出至內東門司閨啓請降車內使及傳姆導引妃入宮障扇侍從如常儀至皇帝閣外候皇帝進膳司閨引妃入立於庭北面內贊贊拜興拜興妃拜興

拜興司閏引妃陞自西階至御座前尚食宮人以膳進授妃妃受膳進供於皇帝前司閏引妃降自西階復位內贊贊拜興拜興妃拜興拜興內贊唱禮畢司閏啓請至皇后殿傳姆宮人內侍等引妃詣皇后所御殿立於閣外候皇后進膳司閏引妃入立於庭北面內贊贊拜興拜興妃拜興拜興司閏引妃由西階陞至皇后前尚食宮人以膳進授妃妃受膳進供於皇后前司閏引妃降自西階復位內贊贊拜興拜興妃拜興拜興內贊唱

禮畢司閨引妃出閤皇帝皇后饗妃如朝見之儀







納采 問名 納吉 納成 請期 同

明集禮卷之六十四

次副使

位立副使

門

主昏者位

主昏者位

贊

贊禮

引者位

引使者位

引者位

贊者

贊者

贊禮

贊禮

贊禮

贊禮

贊禮

贊禮

贊禮

受冊 親王妃同

明律禮卷二十六 四十二

儀仗鼓吹

內使監位

儀副齊立

冊寶案

門

省昏主  
位省昏主

吹鼓仗儀

前執

儀副位

儀副齊立

引儀

儀副

冊寶車

中門

儀副

引儀

使內贊捧

省昏主

內外命婦拜位

宮人侍從

司儀

儀副

儀副齊立

奉主位

儀副

儀副

使內贊捧

內外命婦拜位

從人司

開度

冊寶

儀副齊立

儀副

儀副

奉主位

奉主

親迎 親王同

明集禮卷二十六 四十一

吹鼓簿函

位者等主

位者等主

皇太子金殿開同

位路降于太皇

函簿鼓吹

日

皇太子揖位

延照殿覆車

位者等主

日

皇太子揖位

延照殿覆車



皇太子翼鳳位

皇太子翼鳳位

皇太子翼鳳位

閣

朝見 繼饋同

明集禮卷二十六四十四



樂案

侍

顯臣

皇太子舞位

殿前

姆

司閤

尚食

尚食



左侍從

從侍右

從侍

朝見皇后圖

明集禮卷二十六 四十五



東側

傳

司馬

皇太子拜位

殿前

母

司馬

尚書

尚食



左侍從

皇后

從侍右



卷之七

通鑑

附

明集禮卷二十六